

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Bona Verba, Quibus Festo Nuptiali

Portzel, Jacob

Durlaci, 1706

[urn:nbn:de:bsz:31-2069](https://nbn-resolving.org/urn:nbn:de:bsz:31-2069)

BONA VERBA,

Quibus

FESTO NUPTIALI
VIRI

Admodum Reverendi atq; Doctissimi

DOMINI

CONRADI BUR-
CARDI VVEININ-
GERI,

Serenissimi Principis ac Domini,

DOMINI FRIDERICI MAGNI,

Marchionis Badensis & Hachbergensis &c.

DIACONI AULICI,

Nec non

VIRGINIS

Nobilissimæ atq; Ornatissimæ

ELISABETHÆ MAR-
GARETHÆ EBERLINÆ,

amicitiæ, gratitudinis & observantiæ ergo

applaudere voluit

M. JACOBUS PORTZELIUS.

Dnrlaci, Literis Theodori Hechtii, Typ. Aul. Anno 1706.



Musa blanda, Musa casta,
 Ætheris proles benigni,
 Non levem secuta thyrsum,
 Pegasiq̄ue fabulosos
 Vel volatus vel liquores,
 Sed Sionis rupe lapsa,
 Spiritu fœcunda puro,

Dic amores, dic favores, prome læta júbila.


Cernis, ut Germen Virorum,
 Quos Dei cœtus celebrat,
 Quos probavit ipsa Virtus,
 Quos in altis scripsit astris
 Grata fama, laus perennis,
 Vinculis, quæ Principalis
 Dextra nexuit, ligetur.

Ergo, Musa, dic amores, prome læta júbila.

Cernis, ut Virgo tenella,
 Liliū candore vincens,
 Et meras roseis labellis
 Gratias Veneresq̄; spirans,
 Sed magis decora dote
 Mentis egregiæ, jugalem
 Jam thorū properet subire.

Ergo, Musa, dic amores, prome læta júbila.

Advo-



Advolat sanctus Cupido,
 Non Cupido, qui furoris
 Ignibus male sana corda
 Dira ceu lues pererrat;
 Sed Cupido, quem Jehova
 Incolis horti beati
 Innocens dedit levamen.

Ergo, Musa, dic amores, prome læta jübila.

Ecce corda colliquefcunt,
 Lenibus subacta flammis.
 Ecce connivent ocelli,
 Mutuorum feciales
 Cùm favorum tùm dolorum.
 Ecce juncta dextra dextræ
 Vota jungit, fata jungit.

Ergo, Musa, dic amores, prome læta jübila.

Ridet Eusebie, pudico
 Ora suffundens rubore,
 Dum suo videt Ministro
 Tanta dona destinata,
 Quanta tetrici Catones,
 Irrita falacitate
 In suis optent latebris.


Ergo, Musa, dic amores, prome læta jübila.

Prome plausus, blanda Musa,
 Concinit tibi ripa Pfinci.
 Concinnunt tibi mille voces,
 Mille vota gratulantum.
 Concinnunt tibi sacra templa,
 Quæ diferta lingua Sponfi
 Dulcibus replet loquelis

Ergo, Musa, dic amores, prome læta jübila.

Sed file, tandemque fini,
 Blanda Musa: non loquace
 Hac aguntur sacra cantu.

En



En tuas non audit ultra
Sponsus atque Sponsa nugas.
En sui sibi queruntur
Eripi fructum dici.
Ergo, blanda Musa, fini vota, cantus, júbila,

Illud adde; nam licebit:
Sint amores hi beati
Numinis nutu supremi,
Cordis unitate bini,
Mutui fructu favoris,
Omnibusq; rebus illis
Quæ parant vitam quietam!
Musa fini, Numen audi, Nuptiæ sint prosperæ.

